



UNIVERSITÄTS-
BIBLIOTHEK
PADERBORN

Universitätsbibliothek Paderborn

Svmmma Totivs Theologiæ S. Thomæ Aqvinatis, Doctoris Angelici Ordinis Prædicatorum

Tertiæ Partis Volumen Secundum

Thomas <von Aquin, Heiliger>

Romæ, 1619

Vtrum plures sacerdotes simul possint eamdem hostiam consecrare? 2

urn:nbn:de:hbz:466:1-38725

poris mystici, non reseruantur Episcopo: sicut consecratio huius sacramenti. Ad Episcopum verò pertinet tradere non solum populo, sed etiam sacerdotibus ea, ex quibus possunt proprijs officijs vti. Et quia benedictio chrisimatis & olei sancti, & olei infirmorum, & aliorum, quæ consecrantur (puta, altaris, Ecclesiæ, vestium, & vasorum) præstat quandam idoneitatem ad sacramenta perficienda, quæ pertinent ad officium sacerdotum: idè tales consecrationes Episcopo reseruantur, tamquam principi totius ecclesiastici ordinis.

ARTIC. II.

Utrum plures sacerdotes possint vnã & eandem hostiam consecrare?

AD secundum sic proceditur. Videtur, quòd plures sacerdotes non possint vnã & eandem hostiam consecrare. Dicitur enim * supra, quòd plures non possunt simul vnum baptizare. Sed non minor vis est sacerdotis cõsecrantis, quàm hominis baptizantis. Ergo etiam non possunt simul plures vnã hostiam consecrare.

495
4. dis. 13.
q. 1. ar. 2.
q. 2.
q. 67. a. 5

¶ 2 Præterea, Quod potest fieri per vnum, superflue fit per multos. In sacramentis autè nihil debet esse superfluum. Cum ergo vnus sufficiat ad consecrandum, videtur quòd plures non possint vnã hostiam consecrare.

¶ 3 Præterea, Sicut dicit Aug. super Ioan. * Hoc sacramentum est sacramentum vnitatis. Sed contrarium vnitati esse videtur, multitudo. Ergo non videtur conueniens esse huic sacramento, quòd plures sacerdotes eandem hostiam consecrent.

tract. 26.
in Ioan.
to. 9.

SED contra est, quòd secundum consuetudinem quarundam Ecclesiarum, sacerdotes, cum de nouo ordinantur, concelebrant Episcopo ordinanti.

RESPONDEO dicendum, quòd (sicut dictum est*) Sacerdos cum ordinatur, constituitur in gradu eorū, qui à Domino acceperunt potestatem consecrandi in cœna. Et idè secundum consuetudinem quarundam

ar. præc.

Ecclesiarū, licet Apostoli Christo cōnanti concēnauerunt, ita noui ordinati, episcopo ordināti concelebrāt. Nec propter hoc iteratur cōsecratio super eandem hostiam: quia sicut Innoc. III. * dicit, Omnium intentio debet ferri ad idem instans consecrationis.

li. 4. de sac
erō alta.
mysl c. 25
cir. med.

Ad primum ergo dicendum, quod Christus non legitur simul baptizasse cum Apostolis, quando iniunxit eis officiū baptizādi. Et ideo nō est similis ratio.

Ad secundum dicendum, quod si quilibet sacerdotum operaretur in virtute propria, superfluerent alij celebrantes, vno sufficienter celebrante. Sed quia sacerdos non consecrat, nisi in persona Christi; multi autem sunt vnum in Christo: ideo nō refert vtrū per vnum, aut per multos hoc sacramentum consecretur; nisi quod oportet ritum Ecclesiæ seruari.

Ad tertium dicendū, quod Eucharistia est sacramentum vnitatis ecclesiasticæ, quæ attenditur secundum hoc, quod multi sunt vnum in Christo.

ARTIC. III.

Vtrum dispensatio huius sacramenti pertineat solum ad sacerdotem?

496
4. dis. 11.
q. 2. a. 1.
q. 1. ad 3.
c. d. 13.
q. 1. ar. 3.
q. 1. c. 2.
ut habe-
tur in e-
ius legen-
da.

AD tertium sic proceditur. Videtur, quod non pertineat solum ad sacerdotem dispensatio huius sacramenti. Sanguis enim Christi non minus pertinet ad hoc sacramentum, quā corpus. Sed sanguis Christi dispensatur per diaconos: vnde & B. Laurentius dixit * B. Sixto, Experire vtrum idoneum ministrum elegeris, cui commissi Domini sanguinis dispensationem. Ergo & pari ratione dispensatio corporis Christi non pertinet ad solos sacerdotes.

¶ 2 Præterea, Sacerdotes constituuntur ministri sacramentorum. Sed hoc sacramentum perficitur in consecratione materiæ, non in vsu, ad quem pertinet dispensatio. Ergo videtur, quod non pertineat ad sacerdotem corpus Domini dispensare.

e. 3. p. 1.
c. 4.

¶ 3 Præterea, Dion. * dicit in lib. eccl. hier. qd hoc sacramentum habet perfectiuam virtutem, sicut & chrisma, sed signare chrismate baptizatos, non perti-